

# XXI

# PREMIO INTERNACIONAL JESÚS NÚÑEZ DE ARTE GRÁFICA



"PENSAR UN PAISAJE" DE REGINA GIMÉNEZ, PRIMER PREMIO 2025

## BASES

### XXI PREMIO INTERNACIONAL JESÚS NÚÑEZ DE ARTE GRÁFICA 2026

#### PRIMEIRA - Obxecto

Na liña de apoio á creación artística que leva a cabo a Deputación da Coruña e, en concreto, ao desenvolvemento da arte gráfica, así como en recoñecemento ao labor realizado pola Fundación CIEC, Centro Internacional da Estampa Contemporánea de Betanzos e da ampla traxectoria do artista Jesús Núñez, o seu fundador, a Deputación da Coruña convoca o XXI Premio Internacional de Arte Gráfica Jesús Núñez 2026.

#### SEGUNDA - Persoas destinatarias

Poderán optar ao Premio todas as persoas maiores de idade, que non obtivesen o premio nos cinco anos anteriores a éste, e que presenten obras non premiadas en ningún outro concurso ou certame cunha antigüidade máxima de tres anos.

A orixinalidade da obra e a súa autoría xustificárase mediante unha declaración responsable na que se manifeste ser a persoa autora e titular de todos os dereitos. En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, polo que recaerá na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.

As persoas participantes terán a obriga de comunicarlle á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do Premio.

#### TERCERA - Dotación

Establécense os seguintes premios:

**\* Primeiro Premio dotado con 6.500 € e unha exposición na Fundación CIEC.** Esta cantidade está suxeita ás retencións legais que lle sexan de aplicación.

**\* Dous Accésits consistentes cada un deles nunha bolsa de matrícula dun módulo do Máster de Obra Gráfica impartido pola Fundación CIEC.**

Os premios podrán quedar desiertos ou, no caso do primeiro premio, ser concedido con carácter ex aequo; neste caso, o seu importe repartirase proporcionalmente entre as persoas que resulten premiadas.

O premio non poderá concederse a título póstumo, sin prexuízo dos dereitos de sucesión que poidan exercerse se a persoa premiada falecese despois da decisión do xurado.

Os traballos premiados quedarán en propiedade da Deputación da Coruña; así mesmo, as persoas autoras das obras entregarán outro exemplar, igual aos premiados, á Fundación CIEC, con destino aos fondos da súa colección.

A Deputación poderá publicar un catálogo cos traballos premiados e, previo acordo coas persoas autoras, poderá publicar tamén aqueles traballos que non fosen premiados e que o xurado considere de calidade.

As persoas cuxas obras sexan incluídas na publicación recibirán cinco exemplares do catálogo.

#### CUARTA - Prazo

O prazo de presentación das solicitudes iniciárase o día 10 de Febreiro de 2026 e rematará o 10 de Abril de 2026.

#### QUINTA - Envío da obra e documentación

A presentación realizarase mediante o envío de dous elementos: por unha banda a solicitude da persoa participante xunto coa documentación administrativa correspondente; e por outra, a obra.

**Solicitudes.** As solicitudes presentaranse, no modelo que figura como ANEXO, por algúns dos seguintes medios:

- Preferentemente por medios electrónicos a través da sede electrónica da Deputación da Coruña.
- En calquera dos lugares e rexistros establecidos na normativa reguladora do procedemento administrativo común.
- Mediante envío por correo postal ao enderezo Deputación Provincial da Coruña, Avda Porto da Coruña 2 15.003 A Coruña.

As persoas interesadas en participar que teñan dificultades para remitir a solicitude por algunha das vías anteriores poderán enviála por correo electrónico á Fundación CIEC (premio@fundacionciec.com), cunha antelación mínima de dez días naturais antes da finalización do prazo de presentación. Deberán achegar un modelo de representación no que autoricen á Fundación CIEC a realizar a presentación da súa solicitude. A Fundación encargárase de rexistrala a través do Rexistro Xeral dentro do prazo establecido.

#### Documentos que acompaña á solicitude

- Currículo do/a autor/a que non exceda dun tamaño DN A4, por unha cara.
- Ficha técnica da obra: título, técnica, data, tipo de papel, medida do papel (altura x base), medida da mancha (altura x base), número de matrices, número de tintas, tirada e taller de estampaxe.
- Fotografía da obra

**As obras enviaranse á Fundación CIEC, Rúa do Castro, 2 15.300 Betanzos, e no sobre indicárase XXI Premio Internacional Jesús Núñez de Arte Gráfica -- "non commercial value".**

Cada artista poderá presentar un máximo dunha obra, en calquera das disciplinas das técnicas gráficas: gravado calcográfico, litografía, serigrafía, xilografía e as súas derivacións.

As medidas do papel non excederán de 115x78 cm e o tamaño da mancha impresa será, como mínimo, de 28x28 cm. O grosor das obras non poderá superar 1 cm.

As obras presentaranse asinadas, sen enmarcar e ao dorso deberá figurar o nome e apelidos da persoa autora, e o ano da súa realización e a copia da solicitude remitida á Deputación Provincial da Coruña.

Non se admitirán obras que non teñan presentada a solicitude correspondente por calquera dos medios indicados anteriormente.

Os gastos de envío das obras e documentación correrán a cargo das persoas solicitantes.

#### SEXTA - Xurado

O xurado estará presidido pola Deputada de Cultura ou a persoa en quen delegue, que actuará con voz e sen voto, e formarán parte del:

- Unha persoa en representación da Fundación CIEC
- Catro persoas en representación prestixio no ámbito da arte gráfica, nomeadas pola Deputada de Cultura.

As funcións de Secretaría exercerás a Secretaría da Corporación ou a persoa funcionaria en quen delegue.

Para o nomeamento do Xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de Novembro, para a igualdade efectiva de mulleres e homes de Galicia.

As persoas que integren o Xurado estarán sometidas ao deber de abstención nos casos sinalados no artigo 23 da Lei 40/2015, de 1 de Outubro, de réxime xurídico do sector público.

A composición dos xurados darase a coñecer con anterioridade á súa reunión, no taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de Outubro, de réxime xurídico do sector público (LRXSP), Título Preliminar, Capítulo II, Sección 3ª: "Órganos colexiados das distintas administracións públicas", artigos 15 ao 18, no que se refire tanto á validez da súa constitución, como á actuación do Xurado.

As deliberacións serán segredas e delas serán estendidas as actas correspondentes.

#### SÉTIMA - Concesión, selección para a exposición e pago.

##### Concesión e pago.

A proposta de concesión que formule o Xurado será obxecto de resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

Non poderá obter a condición de persoa beneficiaria aquelas persoas que teñan a residencia fiscal nun país ou territorio cualificado regularmente coma paraíso fiscal, de conformidade co disposto no artigo 13.f) da Lei 38/2003, de 17 de Novembro, Xeral de Subvencións.

Para a consecución e o cobro do primeiro premio, a persoa premiada deberá entregar a seguinte documentación:

##### Residencia española.

- Certificacións das administracións tributarias correspondentes e da Tesorería da Seguridade Social nas que se acredite que a persoa está ao corrente nas súas obrigas tributarias e coa Seguridade Social. Poderá omitirse a presentación desta documentación sempre que envíe un documento autorizando expresamente á Deputación Provincial da Coruña ás consultas tributarias e non se opoña á consulta de datos da Seguridade Social.

- Comunicación de alta de datos bancarios para o rexistros de terceiros, que figura no apartado de impresos oficiais da páxina web da Deputación Provincial da Coruña.

- Certificación da titularidade de conta, expedida pola entidade bancaria.

##### Outra residencia:

- Copia do pasaporte ou DNI.

- Certificado de residencia fiscal

- Declaración de non ter establecemento permanente en España, no seu caso.

- Certificación de titularidade de conta bancaria.

A presentación desta documentación farase preferentemente por medios electrónicos a través do modelo "solicitude Xeral" dispoñible na sede electrónica da Deputación da Coruña. Tamén poderá presentala en calquera dos lugares e rexistros establecidos na normativa reguladora do procedemento administrativo común.

A resolución da concesión será dada a coñecer a través do Boletín Oficial da Provincia.

A concesión e pago do premio será publicado na Base de Datos Nacional de Subvencións (BDNS).

**Selección para a exposición.** O xurado poderá seleccionar 30 obras, como máximo, entre as obras non premiadas, para a súa inclusión nunha exposición, que será inaugurada na Fundación CIEC e que logo itinerará por concellos da provincia; para esta exposición será editado o correspondente catálogo, do que se entregarán cinco exemplares a cada unha das persoas autoras presentes na exposición.

**As obras non seleccionadas,** enviadas dende territorio nacional, devolveranse ás súas autoras ou autores, por mensaxería a portes debidos. Os envíos procedentes do estranxeiro devolveranse a portes debidos, previa consulta e/ou información por parte da Fundación CIEC. No caso de que a persoa autora non responda ou non se poña en contacto coa Fundación CIEC para a devolución da súa obra, entenderase que renuncia á súa propiedade.

As obras que resulten seleccionadas para a exposición serán devoltas nas condicións establecidas nos parágrafos anteriores, ao finalizar a súa itinerancia.

#### OITAVA - Obrigas

Os titulares das obras presentadas, a través da aceptación das bases deste Premio, outorgan unha cesión non exclusiva, gratuita e intransmisible á Deputación da Coruña, nos termos do artigo 50 da Lei de propiedade intelectual, o Real decreto lexislativo 1/1996, de 12 de Abril.

Os dereitos cedidos son os de reprodución, distribución, comunicación pública en todas as súas modalidades, incluída a de posta a disposición. Os titulares das obras presentadas aceptan a inclusión das que poda seleccionar o xurado no catálogo e na exposición itinerante.

#### NOVENA - Protección de datos

Os datos facilitados serán tratados pola Deputación da Coruña coa finalidade de tramitar esta convocatoria. A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en: - A páxina web e perfís en redes sociais da Deputación da Coruña. - Filmacións destinadas á promoción da actividade. - Publicacións para dar a coñecer a actividade.

A lexitimación para o tratamento dos datos baséase no cumprimento dunha misión de interese público. Os datos poderán ser comunicados ás Administracións Públicas para o exercicio das súas competencias e serán conservados de acordo co establecido na normativa de arquivo. As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPD pode reclamar perante a AEPD. Poden de consultarse máis información relacionada coa protección de datos en AENP. Política de Privacidade ou dirixindo un correo a delegado@protecciondedatos@dacoruna.gal.

#### DÉCIMA - Aceptación das bases

A participación nesta convocatoria supón a total aceptación destas bases.



www.dacoruna.gal



www.fundacionciec.com

Fundación CIEC, rúa do Castro 2, Betanzos, A Coruña | ciec@fundacionciec.com | +34 981772964

